

Selaraskan perundangan CCUS, elak pertindihan Persekutuan dan Sarawak – TPM

Sentiment	Neutral	Frequency	Daily
Outlet Country	Malaysia	Outlet Language	Malay
Impressions	140,000	Circulation	140,000
PR Value	42,000	Page	4



Selaraskan perundangan CCUS, elak pertindihan Persekutuan dan Sarawak - TPM

KUCHING - Kerajaan Persekutuan dan kerajaan negeri kini sedang berusaha untuk menyelaraskan undang-undang mengenai pemerangkapan, penggunaan dan penyimpanan karbon (CCUS), kata Timbalan Perdana Menteri, Datuk Seri Fadillah Yusof.

Beliau berkata, perbincangan itu melibatkan peraturan-peraturan yang akan digubal bagi mengelakkan pertindihan, selain memastikan semua perkara yang memerlukan kerjasama dapat dilaksanakan dengan lancar.

"Cuma apa yang perlu diharmonikan sekarang ini ialah bagaimana undang-undang

Persekutuan dengan undang-undang negeri itu dapat diharmonikan, supaya apa saja pertindihan ataupun perkara yang memerlukan kerjasama, dapat diharmonikan melalui peraturan dan sebagainya.

"Itu yang akan dibincangkan sebab dalam penyimpanan karbon (merujuk kepada Sarawak) ini, sudah pasti ia melibatkan kerjasama antara Persekutuan dan negeri (perkara yang me-



FADILLAH

libatkan elemen lintas sempadan," katanya kepada pemberita di sini pada Ahad.

Fadillah yang juga Menteri Peralihan Tenaga dan Transformasi Air berkata, Rang Undang-Undang (RUU) Pemerangkapan, Penggunaan dan Penyimpanan Karbon yang telah diluluskan baru-baru ini, hanya

terpakai untuk Semenanjung Malaysia serta Wilayah Persekutuan Labuan.

"CCUS ini tidak melibatkan Sabah dan Sarawak, di mana Sarawak telah mempunyai

undang-undangnya sendiri, yang mengatur aspek-aspek berkaitan dengan teknologi dan pengurusan karbon," katanya.

Khamis lepas, Dewan Rakyat secara sebulat suara meluluskan RUU CCUS 2025 untuk memberi peluang kepada pengembangan pelaburan dan ekonomi negara.

RUU itu diluluskan selepas bacaan kali ketiga oleh Menteri Ekonomi, Datuk Seri Rafizi Ramli.

Terdahulu ketika mengulungkan RUU berkenaan, Rafizi berkata, kerajaan tidak akan mengeluarkan perbelanjaan untuk fasiliti CCUS. - *Bernama*